

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Najava održavanja Konferencije	1
Vlada FBiH usvojila Strategiju obuke za JLS	1
FSCZ usvojila Procedure za dostavu zahtjeva za dodjelu pomoći općinama	2
Savez za svoje članice izradio Priručnik iz oblasti primjene upravnog postupka	2
Održan prvi međunarodni kongres o certifikaciji u sektoru povoljnog poslovnog okruženja	3
Održan Koordinacioni sastanak programa "Akademija za građane"	4
Tomislavgrad gradi kolektor otpadnih voda	4
Održan sastanak o poboljšanju poslovnog ambijenta u općini Foča-Ustikolina	5
Općina Prozor-Rama uključena u drugu fazu Općinskog programa upravljanja otpadom u BiH	5
Svečano otvoren novoizgrađeni moderni "Park prijateljstva"	6
Sarajevo uvršteno u prestižnu publikaciju City Leaders za 2012	6
Priprema projekta za izgradnju skloništa za zbrinjavanje životinja u B.Petrovcu	7
Načelnik Općine Goražde posjetio Općinu Centar	7
Planirana izrada poslovne zone na lokalitetu Batuški Lug u Općini Gornji Vakuf-Uskoplje	7
Centar za upravljanje otpadom vrijedam pet miliona KM gradi se u Konjicu	8
Održan seminar na temu "Ugovorne procedure Evropske Unije"	8
Studijsko putovanje u Brisel iz oblasti javnih nabavki	9

Bilten Saveza općina i gradova Federacije Bosne i Hercegovine

NAJAVA ODRŽAVANJA KONFERENCIJE NA TEMU "PROBLEMI U VEZI SA PRIMJENOM ZAKONA O ZAŠTITI I DOBROBITI ŽIVOTINJA SA ASPEKTA LOKALNIH

Savez općina i gradova Federacije Bosne i Hercegovine kroz projekat "Razvoj kapaciteta saveza općina i gradova u BiH (CDMA)", kojeg finansira Švedska međunarodna agencija

za razvoj i saradnju (Sida) organizira konferenciju na temu „Problemi u vezi sa primjenom Zakona o zaštiti i dobrobiti životinja sa aspekta lokalnih zajednica“ i Predstavljanje programa „Evropa za građane“.

Konferencija će se održati 14. marta/ožujka 2012. godine (srijeda) u hotelu „Sarajevo“, Džemala Bijedića broj 169 A, Sarajevo, sa početkom u 10.00 sati.

Tokom konferencije učesnici će biti u mogućnosti čuti izlaganje gđe. Inge Dujmović, državne veterinarske inspektorice za nadzor dobrobiti životinja iz Ureda za veterinarstvo Bosne i Hercegovine na temu "Efekti primjene Zakona o zaštiti i dobrobiti životinja", zatim dekanese Veterinarskog fakulteta Univerziteta u Sarajevu, prof. Almedine Zuko i prof. Selme Filipović na temu „Prijedlog programa zbrinjavanja pasa litalica na području Federacije BiH“, te izlaganja predstavnika Institucije ombudsmena za ljudska prava Bosne i Hercegovine, kao i načelnika Općine Bosanski Petrovac, gđina. Ermina Hajdera na temu „Primjena Zakona o zaštiti i dobrobiti životinja iz ugla građana“.

Konferencija će pružiti priliku načelnicima općina za međusobnu razmjenu iskustva o primjeni pomenutog zakona, a cilj je kreiranje zaključaka Saveza općina i gradova Federacije BiH koji će se uputiti prema nadležnim institucijama u Bosni i Hercegovini, s obzirom na činjenicu da se trenutno radi na pripremama izmjena i dopuna Zakona o zaštiti i dobrobiti životinja.

U okviru teme Predstavljanje programa „Evropa za građane“, Ministarstva pravde Bosne i Hercegovine će predstaviti pomenuti program, koji je jedan od programa Evropske unije koji

otvara prostor za saradnju između lokalnih organa vlasti Bosne i Hercegovine i Evropske unije, kao i organizacija civilnog društva. Program je od velikog značaja za razvoj lokalnih samouprava u Bosni i Hercegovini jer pruža mogućnosti saradnje, razmjene iskustava i dobrih praksi sa partnerima iz Evropske unije. Na konferenciju se očekuje prisustvo premijera kantona i gradonačelnika/načelnika jedinica lokalne samouprave (općina i gradova) u Federaciji BiH.



VLADA FBiH USVOJILA STRATEGIJU OBUKE ZA JEDINICE LOKALNE SAMOUPRAVE U FEDERACIJI BiH

SARAJEVO, 22. februar/veljača – Vlada Federacije BiH usvojila je na jučerašnjoj sjednici u Sarajevu Strategiju obuke za jedinice lokalne samouprave u Federaciji BiH za period od 2011. do 2015. godine, saopštio je Ured za odnose s javnošću Vlade Federacije BiH.

U svrhu njene realizacije, Federalno ministarstvo pravde i Agencija za državnu službu Federacije BiH zaduženi su da sa Savezom općina i gradova Federacije BiH uspostave koordinacijsko tijelo čiji je zadatak iniciranje redovnih analiza potreba za obukom, izrada i usaglašavanje cjelokupne strategije i planova obuke, te nadzor nad njihovom realizacijom.



Federalno ministarstvo pravde i Agencija za državnu službu Federacije BiH zaduženi su da sa Savezom općina i gradova Federacije BiH uspostave koordinacijsko tijelo čiji je zadatak iniciranje redovnih analiza potreba za obukom, izrada i usaglašavanje cjelokupne strategije i planova obuke, te nadzor nad njihovom realizacijom.

Ove će institucije uspostaviti saradnju sa institucijama sistema obuke za lokalnu samoupravu u Republici Srpskoj.

Za provođenje Strategije Vlada će osigurati finansijska sredstva prema Orijentacionom planu finansiranja, a za praćenje njene realizacije zaduženi su Federalno ministarstvo pravde i Agencija za državnu službu Federacije BiH.

Strategija obuke u jedinicama lokalne samouprave ima za cilj definiranje ključnih rješenja i mjera za razvoj stručne i profesionalne lokalne uprave uspostavljanjem održivog sistema obuke za zaposlene i izabrane zvaničnike na lokalnom nivou.

Izradu Strategije podržao je Projekat "Sistem obuke za jedinice lokalne samouprave", finansiran od švedske agencije SIDA, a provodi ga Razvojni program UNDP-a, u saradnji sa domaćim institucijama.

Strategiju je ranije usvojilo Predsjedništvo Skupštine Saveza općina i gradova Federacije BiH u septembru/rujnu 2010. godine.



FSCZ USVOJILA PROCEDURE ZA DOSTAVU ZAHTEVA ZA DODJELU POMOĆI OPĆINAMA

SARAJEVO, 21. februar/veljača – Federalni stožer civilne zaštite (FSCZ) usvojio je Preporuke za provedbu preventivnih mjera za sprječavanje i ublažavanje negativnih posljedica klizanja i odronjavanja zemljanih i stijenskih masa tijekom sniježnih padavina, te zadužio svoju Stručnu službu da ih dostavi kantonalnim vladama i kantonalnim stožerima civilne zaštite, općinskim načelnicima i općinskim stožerima civilne zaštite.

Na ove, te na adrese nadležnih povjerenstvama za procjenu šteta u kantonima i općinama, bit će dostavljene i [Procedure](#) za dostavu zahtjeva za dodjelu pomoći općinama iz sredstava posebne naknade Federacije Bosne i Hercegovine. Procedure je, na prijedlog Federalnog povjerenstva za procjenu šteta, usvojio FSCZ.



SAVEZ ZA SVOJE ČLANICE IZRADIO PRIRUČNIK IZ OBLASTI PRIMJENE UPRAVNOG POSTUPKA

SARAJEVO, 24. februar/veljača – U okviru realizacije aktivnosti na projektu "Razvoj kapaciteta saveza općina i gradova u Bosni i Hercegovini", koji zajednički implementiraju Savez općina i gradova Federacije BiH i Međunarodna kooperativna agencija saveza općina Kraljevine Holandije VNG-International, a finansira Švedska međunarodna agencija za razvoj i saradnju – Sida, u mjesecu decembru/prosincu prošle godine Savez općina i gradova Federacije BiH organizirao je seminar na temu: „Primjena upravnog postupka“. Predavač na ovom seminaru bio je gospodin Mensur Hadžimusić, pomoćnik direktora u Uredu Vlade Federacije Bosne i Hercegovine za zakonodavstvo i usklađenost sa propisima Evropske unije. Kao rezultat seminara izrađen je priručnik „**Komuniciranje organa uprave i stranaka kod odlučivanja u upravnim stvarima i praktični primjeri upravnih i drugih akata**“, koji će u CD formatu biti dostavljen članicama Saveza.



Na seminaru "Primjena upravnog postupka", Sarajevo
13.12.2011

ODRŽAN PRVI MEĐUDRŽAVNI KONGRES O CERTIFICIRANJU POD NAZIVOM „JUGOISTOČNA EVROPA – REGION POVOLJNOG POSLOVNOG OKRUŽENJA“

SARAJEVO, 24. februar/veljača – Dana 23. i 24.2.2012. godine u hotelu „Hyatt“ u Beogradu održava se Prvi međudržavni kongres o certificiranju pod nazivom „Jugoistočna Evropa – region povoljnog poslovnog okruženja“.

Kongres se održava u organizaciji Nacionalne alijanse za lokalni ekonomski razvoj (NALED) i Otvorenog regionalnog fonda za modernizaciju usluga općina, finansiranog od strane Njemačke agencije za međunarodni razvoj (GIZ) koji realizira projekat „Certifikacija povoljnosti za poslovanje – međunarodni pečat kvalitete za zajednice koje su pogodne za poslovanje“

Međudržavni kongres je događaj koji predstavlja početak regionalne saradnje usmjeren na jačanje regije jugoistočne Evrope kroz uspostavljanje jedinstvenih standarda kvaliteta, koje općine i gradovi pružaju potencijalnim investitorima, a prije svega privrednicima koji posluju na lokalnom nivou.

Nakon održane panel diskusije, potpisan je i regionalni sporazum koji ima za cilj unapređenje ekonomske saradnje, mobilnost kapitala i konkurentnosti čitave regije, kao i uspostavu prve zajedničke platforme za promociju povoljnog poslovnog okruženja u jugoistočnoj Evropi, kroz novi, regionalni program certifikacije općina – BFC SEE.

Potpisivanjem Sporazuma o saradnji na Programu certifikacije općina u jugoistočnoj Europi ruše se poslovne barijere i otvaraju nove mogućnosti za razvoj zemalja u regionu, ocijenio je ministar za razvoj, zanatstvo i preduzetništvo Federacije BiH Sanjin Halimović.

Ministar Halimović izjavio je da je put do dobijanja certifikata za povoljno poslovno okruženje jako dug i traje u prosjeku dvije godine. „Ulazimo u pilot-projekat gdje će predložene općine imati svoje mjesto i, u skladu sa svojim mogućnostima, pokušati da stvore ambijent dobrog poslovnog okruženja“. On je rekao da treba pokazati da zemlje regiona jedne drugima nisu prijetnja, nego šansa za ekonomski razvoj.

Načelnik općine Sanski Most Mustafa Avdagić, koja je odabrana za provedbu ovog pilot projekta, rekao je da će certifikat o povoljnom poslovnom okruženju za Sanski Most značiti mnogo, a kao adut za privlačenje investitora naveo je uslužnost općinske administracije, geostrateški položaj i blizina zemljama EU.

Ministar finansija Republike Srpske Zoran Tegeltija rekao je na skupu da zemlje regiona još nemaju jasno izrađen koncept kako treba da izgledaju lokalne zajednice i koje je njihovo mjesto u državi.

Potrebno je da lokalne zajednice u BiH, Hrvatskoj, Srbiji i Makedoniji, dobiju više nadležnosti i finansijske samostalnosti kako bi mogle da se ekonomski razvijaju, istaknuto je na panelu u okviru regionalnog skupa o sertifikaciji opština i poslovnom okruženju u jugoistočnoj Evropi.

„Moramo ići u pravcu da centralne vlasti daju ovlaštenja lokalnim zajednicama za privlačenje stranih investicija, da im obezbijede finansijske potencijale, a da to ne zavisi od izbora i ko će doći na vlast. Samo lokalne zajednice koje imaju stabilne izvore finansiranja mogu da razmišljaju o svom ekonomskom razvoju“, rekao je Tegeltija.

Memorandum o razumijevanju u vezi sa projektom „Certifikacija povoljnog poslovnog okruženja - Međunarodni pečat kvaliteta za općine sa povoljnim okruženjem za investitore“, potpisali su predstavnici Srbije, Federacije BiH, Republike Srpske, Hrvatske i Makedonije.

Kao pilot gradovi i općine uključene u projekat iz BiH su Sanski Most, Banjaluka i Prijedor.

Projekat traje 18 mjeseci, nakon čega bi općine koje ispune predviđene standarde dobile regionalni certifikat kojim se potvrđuje da imaju povoljno poslovno okruženje.

Finansijsku podršku za projekat je obezbijedilo Njemačko društvo za međunarodnu saradnju - GIZ i Otvoreni regionalni fond za jugoistočnu Evropu - ORF.

Na Kongresu učestvuje oko 120 predstavnika institucija, općina i organizacija iz Srbije, Bosne i Hercegovine, Hrvatske i Makedonije, te veliki broj predstavnika državnih institucija, lokalnih samouprava, međunarodnih organizacija i donatora, diplomatskog hora, privrednika, investitora i medija.

Partneri Prvog međudržavnog kongresa o certificiranju su:

- Srbija – Nacionalni savez za lokalni ekonomski razvoj (NALED)
- Bosna i Hercegovina - Federalno ministarstvo razvoja, poduzetništva i obrta i Ministarstvo ekonomskih odnosa i regionalne saradnje Republike Srpske
- Hrvatska – Ekonomski fakultet Sveučilišta u Rijeci, Odjel za lokalni razvoj
- Makedonija – Udruženje jedinica lokalne samouprave Republike Makedonije (ZELS) i Makedonska gospodarska komora (MCC)




Sa Kongresa

Međudržavni kongres je događaj koji predstavlja početak regionalne saradnje usmjeren na jačanje regije jugoistočne Evrope kroz uspostavljanje jedinstvenih standarda kvaliteta, koje općine i gradovi pružaju potencijalnim investitorima, a prije svega privrednicima koji posluju na lokalnom nivou.



Sa Kongresa

Kao pilot gradovi i općine uključene u projekat iz BiH su Sanski Most, Banjaluka i Prijedor.



Koordinacijski sastanak
Akademije za građane

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc-bih-mne.org
www.srb-bih.org
www.chc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelsmed.com
www.eacea.ec.europa.eu

Tomislavgrad je jedna od općina koja sudjeluje u projektu "Vodoopskrba i sanitacija u FBiH" koji financira Europska investicijska banka



Grb Općine Tomislavgrad

ODRŽAN KOORDINACIJSKI SASTANAK AKADEMIJE ZA GRAĐANE

U hotelu „Zenica“ u Zenici, 28. februara/veljače održan je Koordinacijski sastanak općina uključenih u program „Akademija za građane“.

Tom prilikom predstavnici dvadeset i tri općine okupili su se kako bi se pripremili za drugi krug programa Akademija za građane – inicijative koju je OSCE pokrenuo u 2011. godini, kako bi angažirao građane u svojim lokalnim upravama u interaktivnom i edukativnom okruženju.

Predstavnici OSCE-a upoznali su nove općinske učesnike proširenog projekta za 2012. godinu, s konceptom projekta, dok su općine, koje su učestvovala u pilot-fazi podijelile iskustvo o provedbi projekta. Također, predstavljen je promotivni film i web stranica projekta Akademija za građane. Projekt Akademija za građane pokrenut je prošle godine, kako bi se unaprijedile mogućnosti građana da učestvuju u donošenju odluka u korist njihove zajednice, unapređujući njihovo znanje o radu općina. Sedam jedinica lokalne samouprave bilo je uključeno u prvom krugu programa i to Banja Luka, Bijeljina, Cazin, Dobo, Novi Grad Sarajevo, Široki Brijeg i Tešanj.

Prilagođen lokalnim upravama, projekt Akademija za građane sastoji se od osam tematskih predavanja, koja se odvijaju u periodu od tri mjeseca, uključujući i posjete područnim uredima, prezentacije općinskih zvaničnika, tematskih stručnjaka i lokalnih institucija. U pilot-fazi projekta, predavanja su bila usmjerena na teme, kao što su: lokalna uprava, javna sigurnost, urbani razvoj i zaštita okoliša, učešće u civilnom društvu i donošenje odluka.

Povratne informacije od učesnika i od općinske uprave, ukazuju na veoma pozitivan odjek pilot-projekta. Sedam gradova i općina dogovorilo se da nastave rad s novom grupom učesnika u 2012. godini, te da u potpunosti pokrivaju troškove programa Akademija za građane.

Zainteresiranost za učešće u drugom krugu programa izrazilo je još šesnaest općina, tako da će se od aprila/travnja 2012. godine, projekt Akademija za građane provoditi na još šesnaest lokacija širom Bosne i Hercegovine.

Građani - polaznici predavanja mogu očekivati učešće stručnjaka iz velikog broja oblasti vezanih za općinsku upravu i civilne poslove, dinamičnu i interaktivnu atmosferu potaknutu pitanjima, prijedlozima i razmjenom ideja. Jedinice lokalne samouprave koje učestvuju u projektu u 2012. godini, obuhvataju Banju Luku, Bijeljina, Brčko distrikt BiH, Cazin, Dobo, Goražde, Gračanicu, Kakani, Laktaše, Nevesinje, Novi Grad Sarajevo, Novo Sarajevo, Posušje, Šamac, Široki Brijeg, Srebrenicu, Stari Grad Sarajevo, Tešanj, Tomislavgrad, Travnik, Ugljevik, Veliku Kladušu i Zenicu.

Proces prijavljivanja građana počinje u martu/ožujku ove godine, a projekt Akademija za građane počinje s radom u aprilu/travnju. Više informacija o programu Akademija za građane može se naći na web stranici: www.akademijazagrađane.ba koja će za par dana biti aktivna,

IZVOĐAČ PRVE FAZE IZGRADNJE KOLEKTORA U TOMISLAVGRADU VRIJEDNOSTI 2 MIL. KM BIĆE POZNAT ZA DESETAK DANA

27. februar/veljača – Općina Tomislavgrad počela je aktivnosti u pokretanju prve faze kapitalnog projekta izgradnje kolektora otpadnih voda. Nakon raspisanog javnog poziva za polaganje kanalizacijskih cijevi javilo se deset firmi, a javno otvaranje ponuda održano je danas. Iz Općine kažu da očekuju da će izbor pobjednika tendera biti poznat za desetak dana.

Prva faza izgradnje kanalizacijskog kolektora podrazumjeva izgradnju kanalizacije, a između ostalog, sadrži pripreme i zemljane radove, nabavu i ugradnju kanalizacijskih cijevi, izgradnju kanalizacijskih kolektora, betonski i AB radovi, radove na izradi kućnih priključaka na kanalizaciju, odvodnje oborinskih voda sa izradom rubnjaka, radova na sanaciji, izrada ulivnih građevina i ostalih radova, prema priloženoj dokumentaciji.

Inače, radi se o okvirnoj vrijednosti od 2 milijuna KM, ali pravi iznos znat će se tek nakon što ponude budu razmotrene. Prema javnom pozivu rok trajanja izvršenja radova je 10 mjeseci. Nakon ovoga uslijedit će i raspisivanje ostalih tendera, sukladno usvojenom opisu projekta. Okončanjem ovih natječaja, iz općine Tomislavgrad, navode da će biti prva općina u FBiH koja će početi koristiti kreditna sredstva EIB-a, u visini od 4 milijuna eura.

Inače, Tomislavgrad je jedna od općina koja sudjeluje u projektu "Vodoopskrba i sanitacija u FBiH" koji financira Europska investicijska banka. Projekt obuhvaća prioritetne investicijske podprojekte u sektoru vodoopskrbe i odvođenja otpadnih voda na teritoriju Federacija, a čija je svrha poboljšanje javnog zdravlja i okoliša.



Općina Tomislavgrad

ODRŽAN SASTANAK O POBOLJŠANJU POSLOVNOG AMBIJENTA U OPĆINI FOČA-USTIKOLINA

U općini Foča-Ustikolina 23.02.2012. godine, u organizaciji načelnika općine Foča-Ustikolina, a u saradnji sa Udruženjem poslodavaca BPK Goražde, te Privrednom i Obrtničkom komorom BPK Goražde, održan je sastanak o temi "Kako pomoći privrednicima i obrtnicima sa područja općine Foča-Ustikolina na poboljšanje poslovnog ambijenta?", na kome je prisustvovao veliki broj privrednika, obrtnika i zadrugara sa područja ove lokalne zajednice. Učesnici su uzeli također, i predstavnici Službe za zapošljavanje BPK Goražde i Ministarstva za privredu BPK Goražde.



Prisutnima se sa pozdravnim riječima obratio načelnik općine Zijada Kunovca, nakon čega je riječ uzeo v.d. predsjednika Privredne komore BPK Goražde Dževad Terović, koji je govorio o ciljevima ovog sastanka, sagledavanju problema privrednih subjekata sa područja ove općine te pomoći u stvaranju boljeg poslovnog ambijenta i uslova privređivanja. On je kazao da je Bosansko-podrinjski kanton jedini kanton u Federaciji BiH koji ima pozitivan platni suficit u kome su učestvovali i privredni subjekti sa područja općine Foča-Ustikolina, te da je najveći obim razmjene roba ostvaren sa Austrijom, Njemačkom, Srbijom i Italijom.

Direktorica Službe za zapošljavanje BPK Goražde Nafija Hodo iznijela je podatak da je u prošloj godini smanjena stopa nezaposlenosti u kantonu za 10%, te da se s druge strane povećao broj zaposlenih za 10%. Takođe je naglasila da postoje aktivne mjere zapošljavanja, kao što su programi "Mladi poduzetnik" i "Samozapošljavanje žena" u koji se mogu uključiti i zainteresovani sa područja ove općine.

Prema riječima Rasima Sijerčića, iz Budžeta Ministarstva za privredu BPK Goražde u 2011. godini podijeljeno 1.800.000 KM za razne poticaje, za industriju, poljoprivredu, obrt i drugo.

Predsjednik Obrtničke komore BPK Goražde Ahmo Popović predložio je otvaranje kancelarije Udruženja obrtnika u općini Foča-Ustikolina, što bi za cilj imalo veću koordinaciju obrtnika sa ovih prostora.

O nezavidnom položaju mlinarske industrije govorio je direktor MPI "Mlin Ustikolina" Ismet Bukva. On je istakao da jedan dio proizvođača ne može da proda svoje proizvode, jer je cijena pšenice porasla za 12%, a cijena brašna pala za 16% te da nema podsticajnih mjera. Avdo Muslimović, predsjednik Udruženja poljoprivrednika BPK je naglasio problem nemogućnosti dobijanja kredita za obrtnike kod komercijalnih banaka i Razvojne banke FBiH, kao i problem certificiranja i brendiranja proizvoda.

Na kraju sastanka formirana je radna grupa koju sačinjavaju predstavnici Udruženja poslodavaca, Privredne komore i Obrtničke komore, te po jedan predstavnik privrednika i obrtnika sa područja općine Foča – Ustikolina sa zadatkom da izradi zaključke sa ovog sastanka i dostavi ih Vladi kantona i resornom ministarstvu, te prati njihovu realizaciju, saopćeno je iz press službe Vlade BPK.

OPĆINA PROZOR-RAMA UKLJUČENA U DRUGU FAZU "OPĆINSKOG PROGRAMA UPRAVLJANJA OTPADOM U BiH"

PROZOR-RAMA, 22. februar/veljača – Ambasada Kraljevine Švedske u BiH, posredstvom Švedske međunarodne agencije za obnovu i razvoj (SIDA), uključila je Općinu Prozor-Rama u drugu fazu "Općinskog programa upravljanja otpadom u BiH".

Tim povodom, jučer je u Općini Prozor-Rama održan radni sastanak načelnika Jozice Ivančevića sa saradnicima i Gunnara Lindera, predstavnika Grontmij-a, inženjerske konsultantske kompanije, zadužene za predstavljanje ovog programa.

Na sastanku je zaključeno je da će upravljanje čvrstim otpadom u budućnosti biti jedna od najvećih ekonomskih aktivnosti u ovoj općini.

Ovim programom upravljanja čvrstim otpadom Općina Prozor-Rama će dobiti podršku u smislu jačanja kapaciteta, kroz obuku tima općinskih službenika koji će biti zaduženi za izradu programa, administrativnog planiranja, te nabavke opreme, kroz donacije vozila, kontejnera i kompjuterske opreme.



Foča-Ustikolina, 23.02.2012

Direktorica Službe za zapošljavanje BPK Goražde Nafija Hodo iznijela je podatak da je u prošloj godini smanjena stopa nezaposlenosti u kantonu za 10%, te da se s druge strane povećao broj zaposlenih za 10%.



Grb Općine Prozor-Rama






KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Park predstavlja savremenu i moderno opremljenu površinu za odmor i rekreaciju za sve populacije, kako djecu i mlade, tako i za one nešto starije stanovnike



SVEČANO OTVOREN NOVOIZGRAĐENI MODERNI „PARK PRIJATELJSTVA“

SARAJEVO, 24. februar/veljača – U općini Novi Grad Sarajevo u naselju Dobrinja V, danas je svečano otvoren novoizgrađeni, moderni „Park prijateljstva“, čiju je izgradnju sa cca 1.500.000 KM finansirao Fond „Heydar Aliyev“ iz Republike Azerbejdžan. Svečanim presijecanjem vrpce novoizgrađeni park, površine 11.000 m², otvorenim su proglasili Leyla Aliyev, potpredsjednica Fonda „Heydar Aliyev“ Republike Azerbejdžan, Bakir Izetbegović, član Predsjedništva BiH i Damir Hadžić, ministar komunikacija i prometa Bosne i Hercegovine i bivši načelnik sarajevske Općine Novi Grad. Gradonačelnik Sarajeva Alija Behmen tom prilikom uručio je Zahvalnicu Grada Sarajeva Leyli Aliyev, potpredsjednici Fonda „Heydar Aliyev“. Obraćajući se prisutnim Behmen je podsjetio na pobratimske odnose Sarajeva i Bakua od 1972. godine i intenzivnu saradnju dva grada do 1992. godine, te se osvrnuo na ponovno intenziviranje bilateralne saradnje.



Inicijativa za realizaciju ovog projekta potekla je nakon sastanka ambasadora Republike Azerbejdžan u BiH Eldara Hasanova sa gradonačelnikom Sarajeva Alijom Behmenom u augustu prošle godine, a njenu realizaciju podržao je tadašnji načelnik Općine Novi Grad Damir Hadžić. Rekonstrukcija parka u naselju Dobrinja V otpočela je u novembru prošle godine, a izvođač radova bio je KJKP „Park“.

Park predstavlja savremenu i moderno opremljenu površinu za odmor i rekreaciju za sve populacije, kako djecu i mlade, tako i za one nešto starije stanovnike ovog naselja, ali i cijelog grada, sa muzičkim, dječjim i sportskim paviljon i sadržajem za starije osobe („agh sakkal“ – za bijele brade).

Sve zone parka povezane su pješačkim stazama, zelene površine su ukrašene hortikulturnim sadržajem, a ljubitelji sporta imaju na raspolaganju stazu za trčanje dugo gotovo kilometar, zid za sportsko penjanje i stolove za stoni tenis.



S obzirom da se novi park prostire na obje obale rijeke Dobrinje, izgrađen je novi pješački most koji povezuje dvorište Dobrinjske gimnazije i park.

Staza izgrađena u motivu "azerbejdžanskog čilima" ukrašavat će ovaj park, a u toku je i hortikulturno ukrašavanje parka koji će krasiti oko 70 novih stabala i preko 200 sadnica ukrasnog grmlja.

Već su urađene instalacije za video nadzor cjelokupnog parka, tako da će posjetioци istog, ali i sami rekviziti u parku biti bezbjedniji.

SARAJEVO UVRŠTENO U PRESTIŽNU PUBLIKACIJU CITY LEADERS ZA 2012.

Grad Sarajevo je po drugi put predstavljen u prestižnoj publikaciji „City Leaders“ za 2012. godinu, u organizaciji PropertyEU i MIPIM World-a, organizacija koje djeluju na globalnom nivou sa svrhom razvoja tržišta nekretnina i razvoja glavne baze podataka za investitore širom svijeta. Pomenuta publikacija prezentuje 100 vodećih evropskih gradova koji predstavljaju dio zajedničkog tržišta za međunarodne investitore. Prema publikaciji City Leaders grad Sarajevo je svrstan u „REINVENTED CAPITALS“, što znači da ulazi u red vodećih tranzicijskih prijestolnica sa velikim potencijalom i šansama za dinamičan ekonomski razvoj. Ocjenjuje se kao grad koji ima velike razvojne mogućnosti za razvoj uslužnog sektora i daljeg rasta i poboljšanja turističke reputacije na međunarodnom tržištu.

U publikaciji se također navodi da je domaća IT industrija još uvijek u ranoj fazi razvoja, te da je poznati turistički vodič Lonely Planet prošle godine uvrstio Sarajevo u top 10 svjetskih destinacija koje bi trebalo posjetiti.



PRIPREMA PROJEKTA ZA IZGRADNJU SKLONIŠTA ZA ZBRINJAVANJE ŽIVOTINJA U BOSANSKOM PETROVCU



Načelnik općine Bosanski Petrovac Ermin Hajder i pomoćnik načelnika za prostorno uređenje Nataša Kecman održali su radni sastanak na temu zbrinjavanje pasa luralica i organizovanje stočnog groblja sa direktorima komunalnog preduzeća i veterinarske stanice u Bosanskom Petrovcu, navodi se na web stranici Općine Bosanski Petrovac.

Općina Bosanski Petrovac je u budžetu za 2012. godinu planirala sredstva za centar za zbrinjavanje životinja i izgradnju stočnog groblja, pa se razgovaralo o pripremi programa za realizaciju ovih sredstava.

Dogovoreno je da općina Bosanski Petrovac obezbijedi lokacije i potrebnu dokumentaciju za izgradnju, a predviđena sredstva će se iskoristiti za uređivanje i pripremu lokacija za izgradnju skloništa za zbrinjavanje pasa i stočnog groblja. Komunalno d.o.o. će u saradnji sa Veterinarskom stanicom uraditi program formiranja službe koja će moći interventno djelovati u kritičnim situacijama kad su u pitanju napuštene životinje. Ovim aktivnostima općina Bosanski Petrovac kreće u implementaciju programa na osnovu Zakona o zaštiti i dobrobiti životinja.



Grb Općine Bosanski Petrovac



NAČELNIK OPĆINE GORAŽDE POSJETIO OPĆINU CENTAR

Načelnik Općine Centar Sarajevo Dževad Bećirević susreo se u petak, 24. februara/veljače u svom uredu sa načelnikom Općine Goražde Muhamedom Ramovićem.

Tom prilikom, između ostalog, razgovarano je i o podršci koju je ova sarajevska općina u više prilika pružila gradu na Drini. Načelnik Goražda Ramović je posebno iskazao riječi zahvalnosti zbog pomoći koju je Općina Centar sa načelnikom Bećirevićem na čelu, pružila stanovništvu Goražda u protekle dvije godine u situacijama kada im je zbog posljedica poplava solidarnost drugih bila neophodna.



Već krajem 2010. godine, nakon prvih katastrofalnih poplava koje su zadesile naselja uz Drinu, načelnik Bećirević sa saradnicima i ekipom dobrovoljnog Vatrogasnog društva "Bjelave" posjetio je Općinu Goražde kako bi ugroženom stanovništvu bila pružena pomoć u ljudstvu i opremi. Pored toga, iz budžeta Općine Centar izdvojena su značajna sredstva za sanaciju šteta prouzrokovanih poplavama u Goraždu i drugim gradovima u BiH, zbog kojih su mnogobrojna domaćinstva ostala bez krova nad glavom. Za tu namjenu, početkom 2011. godine potpisan je protokol kojim je Općina Centar dodijelila novčana sredstva u iznosu 100.000 KM Općini Goražde. Pored toga Općina je u 2011. godini iz budžeta izdvojila i grant u iznosu 22.000 KM namijenjen Javnoj zdravstvenoj ustanovi Kantonalna bolnica Goražde za nabavku toplog stola i aspiratora za bebe, navodi se na web stranici Općine Centar.

iz budžeta Općine Centar izdvojena su značajna sredstva za sanaciju šteta prouzrokovanih poplavama u Goraždu i drugim gradovima u BiH



Grb Općine Goražde



Grb Općine Centar Sarajevo

PLANIRANA IZGRADNJA POSLOVNE ZONE NA LOKALITETU BATUŠKI LUG U OPĆINI GORNJI VAKUF-USKOPLJE

GORNJI VAKUF-USKOPLJE, 21. februar/veljača – Jedan od najznačajnijih projekata, koji bi se trebao u 2012. godini implementirati na području općine Gornji Vakuf/Uskoplje, je izgradnja poslovne zone na lokalitetu Batuški Lug, javila je ONASA.

Poslovna zona bi se nalazila na površini od oko 10 hektara i neki od potencijalnih investitora su već prezentirali svoje planove.

Otvaranjem proizvodnih pogona stvorili bi se uslovi za zapošljavanje novih radnika, što bi bilo od posebnog značaja, jer je problem nezaposlenosti u Gornjem Vakufu/Uskoplju, kao i uostalom općinama Srednjobosanskog kantona, sve izraženiji.

Na posao, prema posljednjim podacima Biroa za zapošljavanje, čeka više od 3.100 osoba. Općina Gornji Vakuf/Uskoplje je projekat podržala sa 100.000 KM, a sredstva su namijenjena za izradu projektne dokumentacije i uređenje zemljišta.



Gornji Vakuf-Uskoplje



Grb Općine Konjic

**KORISNI LINKOVI ZA PREDPRISTUPNE
FONDOVE EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfoceantar.ba
www.balkanfund.org
www.eurelmed.com
www.eacea.ec.europa.eu

Osnovni ciljevi programa IPA su pomoć državama kandidatkinjama i državama potencijalnim kandidatkinjama u njihovom usklađivanju i provedbi pravne stečevine EU te priprema za korištenje Strukturnih fondova

**CENTAR ZA UPRAVLJANJE OTPADOM VRIJEDNOSTI PET MILIONA KM GRADI SE U
KONJICU**

2. mart/ožujak – (eKapija) Izgradnja centra za upravljanje otpadom koji će koštati pet miliona maraka kapitalni je projekat općine Konjic za 2012. godine. Centar će se, u skladu sa usvojenim prostornim planom, graditi na lokalitetu Repovački potok gdje se trenutno nalazi divlja deponija. Za ovaj projekat pokrenuto je ukupno šest tenderskih procedura koje predviđaju izbor izvođača radova ili isporučilaca usluga za izgradnju centra, nabavku opreme, izgradnju pristupnog puta, regulaciju Repovačkog potoka te nabavku i ugradnju elektroinstalacija.

Najskuplji dio projekta, prema procjenama navedenim u javnim pozivima, bit će nabavka opreme za tehnologiju zbrinjavanja komunalnog otpada koja će koštati oko milion KM, dok će troškovi građevinskih radova na centru iznositi nešto više od pola miliona maraka.

Esad Omerić, pomoćnik načelnik za prostorno uređenje, gradnju i obnovu u općini Konjic, za eKapiju je potvrdio da jedan dio sredstava u iznosu od 580.000 KM obezbijeđen kroz grant Federalnog ministarstva turizma i okoliša, a jedan sredstva planiran je u općinskom budžetu.

"Na prostoru Repovačkog potoka predviđena je izgradnja hale u koju bi se prikupljao otpad, reciklirao i razdvajao, a potom prevozio do regionalne deponije u Mostaru. Projekat će se prema prioritetima realizirati u nekoliko faza. Novac koji bude nedostajao pokušat ćemo obezbijediti putem kreditnog aranžmana sa Svjetskom bankom i ostalim institucijama koje bude spremne finansirati projekat", kazao je Omerović.

On napominje da više od finansija, početak izgradnje centra zavisi od rješavanja imovinsko-pravnih pitanja, s obzirom da je ovo zemljište u zemljišnim knjigama registrovano kao šumsko područje.

"Ono što je sigurno jeste da je izgradnja centra nešto što ne možemo odlagati. Prošle godine na ovom prostoru smo imali ekološku katastrofu kada je otpad sa deponije dospio do vodotoka, pa nam je sanacija deponije prioritet i glavni komunalni problem", naglašava Omerović.

On naglašava da je općina Konjic uskoro treba da potpiše ugovore za rješavanje pitanja otpadnih voda, što uz izgradnju centra za upravljanje otpadom, znači veliki iskorak u rješavanju problema zagađenja okoliša.

"Naš cilj jeste da u naredne dvije do tri godine dobijemo takozvanu zelene kartu, te da u oblasti rješavanja okolinskih problema postanemo primjer u regionu", poručuje Omerović.

ODRŽAN SEMINAR NA TEMU „UGOVORNE PROCEDURE EVROPSKE UNIJE“

Tuzla, 15. februar/veljača – U organizaciji EU info centra Tuzla u srijedu, 15. februara, održan je seminar čija je tema bila „Ugovorne procedure EU“. Učesnici su bili uposlenici lokalne administracije općine Tuzla, predstavnici nevladinih udruženja i predstavnici regionalnog ureda „OSCE“-a u Tuzli. Predavač je bio gđin Zlatan Begić, viši asistent Pravnog fakulteta Univerziteta u Tuzli. Gđin Begić se u svom izlaganju osvrnuo na "Ugovorne obaveze iz procesa evropskih integracija u kontekstu pozitivnih ustavnih rješenja u BH" i precizirao Bečku ugovornu konvenciju o pravu ugovora koja proizilazi iz okvira međunarodnog prava, gdje stoji da svaki ugovor koji je na snazi veže stranke i one ga moraju izvršavati u dobroj vjeri (član 26.).

Tokom predavanja istaknute su ugovorne odredbe koje se odnose na Instrument pretpristupne pomoći IPA (Instrument for Pre-Accession assistance) za razdoblje 2007. – 2013. koji zamjenjuje dosadašnje programe CARDS, PHARE, ISPA i SAPARD.

Osnovni ciljevi programa IPA su pomoć državama kandidatkinjama i državama potencijalnim kandidatkinjama u njihovom usklađivanju i provedbi pravne stečevine EU te priprema za korištenje Strukturnih fondova. Bosna i Hercegovina korisnica je IPA programa i to od 2007. godine do trenutka stupanja u članstvo EU.

U slučaju država kandidatkinja za članstvo, Evropska Unija uz navedene oblike potpore osigurava i sredstva koja financiraju projekte potpunog usklađivanja nacionalnih zakona s pravnom stečevinom Unije, pune primjene usklađenog zakonodavstva, kao i pripreme korisnica programa za provođenje kohezijske i poljoprivredne politike Unije.

Program IPA sastoji se od sljedećih pet komponenti:

- IPA I - jačanje kapaciteta i izgradnja institucija
- IPA II - prekogranična suradnja
- IPA III - regionalni razvoj
- IPA IV - razvoj ljudskih potencijala
- IPA V - ruralni razvoj

Upravljačka struktura uspostavljena je za provedbu svake od 5 komponenti programa IPA te se sastoji od Upravljačkog/ih tijela te Provedbene/ih agencija koje vrše natječajne i ugovorne procedure. Na čelu svake Operativne strukture je osoba nadležna za upravljanje programom IPA.

Savez / Zajedno za uređenu i razvijenu lokalnu samoupravu

**Savez općina i gradova Federacije
Bosne i Hercegovine**

Musala 5/1
71 000 Sarajevo

Phone: ++387 33 216 502, 209 024, 209 120
Fax: ++387 33 552 810, 552 811
E-mail: dino@sogfbih.ba

Nađite nas na facebook-u



POSJETITE NAS NA WEB-U

www.SOGFBih.BA

STUDIJSKO PUTOVANJE U BRISEL IZ OBLASTI JAVNIH NABAVKI

U sklopu programa Local Administration Facility (LAF) otvoren je poziv za iskazivanje interesovanja za učestvovanje predstavnika i predstavnica lokalnih samouprava u studijskom putovanju u Brisel pod nazivom „Javne nabavke“ koje će se održati od 18. do 20. aprila/travnja 2012. godine.

Cilj studijskog putovanja je upoznavanje sa zakonodavstvom EU u oblasti javnih nabavki.

Ovo je treći poziv u okviru ovog programa. Raniji pozivi su se odnosili na „Upravljanje otpadom“ (Study Tour on Waste Management), i o „EU regionalnim politikama“ (EU Regional Police).

Od strane EU Delegacije u Bosni i Hercegovini biće proveden prvi postupak selekcije prijavljenih kandidata, dok će konačan izbor kandidata izvršiti Generalni direktorat za proširenje biranjem četiri do pet predstavnika lokalnih samouprava iz Bosne i Hercegovine za učešće u ovom studijskom putovanju. Pri odabiru će se voditi računa da budu zastupljeni učesnici iz različitih delova BiH, a prednost će imati zaposleni koji se bave predmetnom temom. Aplikanti treba da posebno obrate pažnju na to da je za učestvovanje neophodno radno poznavanje engleskog jezika.

Studijsko putovanje je namijenjeno učesnicima sa područja Zapadnog Balkana (Albanija, Bosna i Hercegovina, Hrvatska, Kosovo, Makedonija, Crna Gora i Srbija).

Molimo Vas da aplikacije šaljete na e-mail: DELEGATION-BIH-TAIE@eeas.europa.eu

Krajnji rok za primanje aplikacija je 19. mart/ožujak 2012. godine.

Aplikacija treba da sadrži popunjen prijavi formular, pismo interesa i CV.

Prijave poslate na druge adrese elektronske pošte i nakon roka za prijavu neće se razmatrati.

Tim sa izabranim kandidatima morat će pripremiti prezentaciju o procedurama javnih nabavki u Bosni i Hercegovini u trajanju od 5 do 7 minuta.

Za više informacija kontaktirajte gđu. Esmiru Kesan na: esmira.KESAN@eeas.europa.eu

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

